

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 398434 21 St
Tuzla, 15.11.2021. godine

Općinski sud u Tuzli, stečajni sudija Antonela Đaković, u stečajnom postupku nad imovinom dužnika **"GIALES" d.o.o. za konsalting, posredništvo i promet Gradačac u stečaju, ul. Sarajevska bb**, dana 15.11.2021.godine, donio je sljedeće:

R J E Š E N J E

Objavljuje se prijava nedovoljnosti stečajne mase, koju je stečajni upravnik podnio sudu dana 05.11.2021.godine iz razloga što stečajna masa stečajnog dužnika nije dovoljna da ispuni ostale dospjele obaveze stečajne mase.

Pozivaju se stečajni povjerioci i povjerioci ostalih obaveza stečajne mase da se izjasne o prijavi nedovoljnosti stečajne mase.

Rješenje o objavi prijave nedovoljnosti stečajne mase će se javno objaviti u "Službenim novinama F BiH" i na oglasnoj ploči suda.

O b r a z l o ž e n j e

Dana 22.09.2021.godine otvoren je stečajni postupak nad imovinom dužnika "GIALES" d.o.o. za konsalting, posredništvo i promet Gradačac u stečaju, ul. Sarajevska bb, a za stečajnog upravnika imenovan je Nedret Kikanović iz Tuzle. Dana 05.11.2021.godine stečajni upravnik je prijavio nedovoljnost stečajne mase. U prijavi se navodi da je u toku stečajnog postupka utvrđeno da stečajni dužnik nema novčanih sredstava, pokretne niti nepokretne imovine iz koje bi se izmirile ostale dospjele obaveze stečajne mase, te je stečajni upravnik na ispitnom ročištu održanom dana 15.11.2021.godine predložio da se stečajni postupak zaključi zbog nedovoljnosti stečajne mase.

Na osnovu člana 197. stav 3. Zakona o stečaju FBiH (Službene novine FBiH br. 53/2021), stečajni sud je odlučio kao u izreci ovog rješenja i javno objavio prijavu nedovoljnosti stečajne mase, te pozvao stečajne povjerioce i povjerioce ostalih obaveza stečajne mase da se izjasne o prijavi nedovoljnosti stečajne mase.

**Sudija,
Antonela Đaković**

POUKA O PRAVNOM LIJEKU: Protiv ovog rješenja nije dozvoljena posebna žalba.